
Мурожаатга муносабат: “Конизар” маҳалла фуқаролар йиғинида янги темир-бетон таянчлари ўрнатилди

“Конизар” маҳалла фуқаролар йиғинида эскирган симёғочлар ўрнига 12 дона янги темир-бетон таянчлар ўрнатилди.

Бағдод туманида аҳоли хонадонлари ва ишлаб чиқариш корхоналарида электр таъминотини яхшилаш, тизимдаги мавжуд муаммоларни бартараф этиш борасида самарали ишлар амалга оширилмоқда.

Жумладан, аҳоли вакилларининг туман ҳокимига йўллаган мурожаати асосида, “Конизар” маҳалла фуқаролар йиғинининг Толзор кўчасида янги темир-бетон таянчлар ўрнатилди ҳамда ҳаво тармоғи тортиш учун тайёрланди. Мазкур ишлар натижасида ҳудуддаги ўнлаб аҳоли хонадонларида электр таъминоти яхшиланди.

Тез орада туман электр таъминоти корхонаси мутахассислари томонидан ушбу манзилда электр узатиш ҳаво тармоғида монтаж ишлари олиб борилиши режаланган.

Бағдод тумани ҳокимлиги Ахборот хизмати.

2023-03-24 15:52:14